

№020/174-ц/2

« 03 » 05 2021 у.

**"Шўртан газ кимё мажмуаси" МЧЖда
Жамоатчилик кенгашлари фаолиятини йўлга қўйиш тўғрисида**

Ўзбекистон Республикаси Президентининг "Давлат органлари хузурида жамоатчилик кенгашлари фаолиятини ташкил этиш чора-тадбирлари тўғрисида"ги 2018 йил 4 июлдаги ПҚ-3837-сон қарорига мувофиқ "Шўртан газ кимё мажмуаси" МЧЖ (кейинги ўринларда - Мажмуа) ва унинг барча таркибий тузилмалари (цех, хизмат, тармоқ ва бўлим) жамоатчилик кенгашлари фаолиятини ташкил этиш ҳамда кенгашнинг вазифалари, функциялари, ваколатлари ва мажбуриятларини белгилаш мақсадида

Б У Ю Р А М А Н:

1. Мажмуа маъмурияти, Касаба уюшма қўмитаси, Ёшлар иттифоқи бошланғич ташкилоти, хотин-қизлар кенгаши ҳамда таркибий тузилмалар раҳбарлари ва кўп сонли ишчи-хизматчиларнинг ҳар бир таркибий тузилмада ишчи ходимлардан иборат **жамоатчилик назоратини ўрнатиш** мақсадида Жамоатчилик кенгашларини ташкил этиш тўғрисидаги таклифи маъқуллансин.

2. Мажмуа раҳбарияти ва ишчи ходимлар ўртасида ўзаро самарали мулоқотлар ва ҳамкорликни йўлга қўйиш учун уларни боғлаб турувчи "кўприк" ролини бажарувчи ҳамда Мажмуа ва цех жамоаси фаолияти ҳақидаги жамоатчилик фикрини тизимли мониторинг қилиш, ижтимоий сўровлар ўтказиш, таклифлар беришни янада такомиллаштириш мақсадида **Мажмуа ва унинг барча таркибий тузилма (цех, хизмат, тармоқ ва бўлим)ларида Жамоатчилик кенгашлари тузилсин.**

3. Мажмуа **Жамоатчилик кенгашининг таркиби** 1-иловага ҳамда **"Жамоатчилик кенгашлари фаолияти тўғрисида"**ги низом 2-иловага мувофиқ тасдиқлансин.

4. Белгилаб қўйилсинки:

жамоатчилик кенгашлари ўз ишини жамоатчилик асосида олиб борадиган, доимий фаолият юритувчи **маслаҳат-кенгашлари** ҳисобланади;

жамоатчилик кенгашлари Мажмуа маъмурияти ва Касаба уюшма қўмитасининг биргаликдаги қарори билан тузилади ва унинг фаолияти барча цех, хизмат, тармоқ ва бўлимларга тадбиқ этилади;

жамоатчилик кенгашлари ўз фаолиятини Мажмуа раҳбарияти томонидан тасдиқланган низом асосида амалга оширади.

5. Куйидагилар жамоатчилик кенгашларининг асосий вазифалари этиб белгилансин:

цех, хизмат, тармоқ ва бўлимларда қабул қилинадиган ички қарорларни, яъни ишчи ходимларга бериладиган мукофот пуллари ва касаба уюшма кўмитаси томонидан ажратиладиган имтиёзларнинг адолатли тақсимоти, барча моддий ва маънавий муҳитга таъсир қиладиган дастурларда жамоатчилик манфаатлари ва фикрини ҳисобга олиниши, барча ходимларнинг тенг ҳуқуқлилиги ва қонуний манфаатларини, ижтимоий ва жамоатчилик манфаатларига дахлдор вазифалар ва функцияларни бажарилиши бўйича жамоатчилик назоратини амалга ошириш;

жамоа шартномаси доирасида ҳамда меҳнат қонунчилиги асосида Мажмуа раҳбарияти ва ишчи ходимлар ўртасида ўзаро самарали мулоқотлар ва ҳамкорликни йўлга қўйиш учун уларни боғлаб турувчи “кўприк” ролини бажариш;

Мажмуа ва цех жамоаси фаолияти ҳақидаги жамоатчилик фикрини тизимли мониторинг қилиш, ижтимоий сўровлар ўтказиш, таклифлар бериш;

Мажмуада коррупцияга қарши курашиш соҳасидаги давлат дастурлари ва бошқа чора-тадбирларни ишлаб чиқиш ҳамда амалга оширишда фаол иштирок этиш;

цех (бўлинма) жамоаси аъзоларининг меҳнат фаолияти, хулқ-атвори, меҳнат интизоми, шарт-шароитлар, муаммо ва камчиликлар, оилавий аҳволи ва бошқа ижтимоий масалаларни цех раҳбарияти, бошланғич касаба уюшма етакчиси, хотин-қизлар етакчиси ва ёшлар иттифоқи цех етакчиси билан биргаликда атрофлича ўрганиб бориш, ушбу масалалар ва муаммоларни цех жамоатчилик кенгаши йиғилишларида кўриб чиқиш ҳамда цех раҳбарияти билан келишилган ҳолда қарорлар қабул қилиш;

Мажмуада ўтказиладиган интеллектуал, ижтимоий ва маънавий-маърифий тадбирларда жамоатчилик вакиллари сифатида иштирок этиш, тадбирларнинг самарадорлигини ошириш юзасидан таклифлар бериш;

цех жамоаси аъзоларига малакали тиббий хизмат кўрсатиш шароитларини, махсус кийим-бош, оёқ кийим, бирламчи ҳимоя воситалари билан таъминланганлик, умумий овқатланиш хизмати сифатини яхшилаш юзасидан таклифлар бериш ва бошқалар.

6. Жамоатчилик кенгаши зиммасига юклатилган вазифалар ва функцияларни бажариш учун қуйидаги ҳуқуқлар берилсин:

Мажмуа томонидан ташкил этиладиган умумий йиғилишлар, мажлислар ва барча оммавий-ижтимоий тадбирлар ҳақида олдиндан ахборот олиш ҳамда мазкур тадбирларда фаол иштирок этиш;

Мажмуа раҳбарияти ва цех, хизмат, тармоқ, бўлим бошлиқларига Жамоатчилик кенгашининг ваколатлари доирасидаги масалалар юзасидан таклифлар киритиш;

Мажмуа фаолияти самарадорлигини ошириш бўйича таклифлар ва тавсиялар ишлаб чиқиш ҳамда амалга ошириш учун зарур бўлган Мажмуанинг ахборотлари, статистика ва бошқа материалларидан белгиланган тартибда фойдаланиш;

Қонун ижодкорлиги фаолиятида Мажмуа томонидан ишлаб чиқилган меъёрий-ҳуқуқий ҳужжатлар лойиҳаларининг жамоатчилик ва экспертлар муҳокамасини таъминлашда иштирок этиш;

ходимлар мурожаатларини Мажмуа томонидан ўз вақтида ва атрофлича ўрганилиши ҳамда шу юзасидан берилган жавобларнинг сифатини таҳлил қилиш;

Мажмуа ходимларининг розилиги билан уларнинг уй-жой, ижтимоий-маиший ва хизмат шарт-шароитлари билан танишиш;

“Жамоатчилик кенгаши” мажлисларида муҳокама қилинадиган масалаларни ёритиш бўйича мажмуа оммавий ахборот воситалари билан ҳамкорлик қилиш;

юклатилган вазифаларни бажариш учун конференциялар, форумлар, семинарлар, давра суҳбатлари ва бошқа тадбирларни ташкил этиш.

7. ШГКМ Жамоатчилик кенгаши (Ф.Қуватов) бир ой муддатда барча таркибий тузилма (цех, хизмат, тармоқ ва бўлим)ларда тузилган Жамоатчилик кенгашлари фаолиятини назорат қилиш, аъзоларни сайлаш, расмийлаштириш, уларнинг функциялари тақсмоти ва йиллик иш режаларини ишлаб чиқилиши бўйича амалий ёрдам кўрсатсин.

8. Ушбу буйруқни барча раҳбарларга, цех, хизмат, тармоқ ва бўлимларга ҳамда “Юксалиш” умуммиллий ҳаракат Қашқадарё вилояти бўлинмасига етказилиши таъминлансин (**У.Хонкулов**).

9. Мазкур буйруқнинг бажарилишини назорат қилиш бош директор ўринбосари **Ф.Қуватов** зиммасига юклансин.

Бош директор



Ш.Асланов

Келишилди:

Бош директор ўринбосари



Ф.Куватов

Касаба уюшма қўмитаси раиси




Ю.Ботиров

Юридик хизмати бошлиғи



А.Хушвақтов

Мурожаатлар билан ишлаш ва
ижро назорати хизмати бошлиғи



У.Хонкулов

Киритилди:

Корпоратив алоқалар ва ижтимоий
ривожлантириш хизмати бошлиғи



О.Бердиев